

9. gr.

Brot gegn reglugerð þessari varða sektum allt að kr. 200 000.00, nema þyngri refsing liggji við að lögum.

Með mál út af brotum á reglugerð þessari skal farið sem opinber mál.

Reglugerð þessi, sem samin er og samþykkt af bæjarstjórn Neskaupstaðar, staðfestist hér með samkvæmt vatnalögum nr. 15 20. júní 1923, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 12. desember 1972.

F. h. r.

Hjálmar Vilhjálmsson.

Hallgrímur Dalberg.

AUGLÝSING

varðandi gin- og klaufaveiki.

Vegna þess að gin- og klaufaveiki hefur orðið vart í Bretlandi og nokkrum öðrum löndum á meginlandi Evrópu, vill ráðuneytið vekja athygli yfirvalda og almennings á því, að stranglega ber að fylgja reglum laga nr. 11 1928 um varnir gegn gin- og klaufaveiki.

Tekið skal fram, að samkvæmt tédum lögum og auglýsingu þessari er bannaður með öllu innflutningur á heyi, hálm, alidýraáburði, sláturafurðum hvers konar, húðum, mjólk og mjólkurafurðum svo og eggjum.

Stórgripahúðir, sem nota þarf við togveiðar hér við land, má þó flytja inn, enda hafi þær sannanlega verið sóttthreinsaðar erlendis, og einnig þegar þær koma hingað til lands.

Frá Bretlandseyjum er enn fremur bannaður innflutningur á fóðurvörum.

Farþegar og áhafnir farartækja skulu að viðlögðum drengskap gefa yfirlýsingu um dvöl sína erlendis, strax og þau koma til Íslands.

Brot á lögum nr. 11 1928 og auglýsingum, sem settar eru samkvæmt þeim, varða sektum.

Landbúnaðarráðuneytið, 15. desember 1972.

Halldór E. Sigurðsson.

Gunnl. E. Briem.

AUGLÝSING

um stöðumæla í Reykjavík.

1. gr.

Borgarstjórn Reykjavíkur hefur samkv. heimild í 65. gr. umferðarlaga nr. 40/1968, gert eftirfarandi breytingar á reglum um stöðumæla nr. 185/1966.

8. gr. orðist svo: „Skylt er að greiða fyrir afnot stöðumælareita. Gjaldskylda

skal vera á virkum dögum milli kl. 9.00 og 18.00, en á laugardögum þó aðeins milli kl. 9.00 og 12.00.

Lögreglustjóri getur ákveðið, að gjaldskylda sé lengur en að framan greinir, svo og veitt undanþágu frá ákvæðum þessum, þegar sérstaklega stendur á.“

2. gr.

Regla þessi öðlast gildi þegar í stað.

Þetta tilkynnist öllum er hlut eiga að máli.

Lögreglustjórinn í Reykjavík, 18. desember 1972.

Sigurjón Sigurðsson.

20. desember 1972.

Nr. 346.

AUGLÝSING

um umsóknargjald og árgjald, sbr. 3. gr. reglugerðar nr. 132/1971, um notkun eiturefna og hættulegra efna í landbúnaði og garðyrkju og til útrýmingar meindýra.

Umsóknargjald er kr. 1 000.00 með hverri umsókn og árgjald kr. 500.00 af hverju efni eða efnasamsetningu er viðurkenningu hlýtur og skráð er á listum yfir plöntulyf, örgresiefni, stýriefni eða útrýmingarefni.

Heilbrigðis- og tryggingamálaráðuneytið, 20. desember 1972.

Magnús Kjartansson.

Páll Sigurðsson.

20. desember 1972.

Nr. 347.

AUGLÝSING

um breytingu á lögreglusamþykkt fyrir Akureyrarkaupstað, nr. 44 28. apríl 1954.

1. gr.

47. gr. orðist svo:

Almennur hámarkshraði í lögsagnarumdæmi Akureyrar skal vera 45 km miðað við klukkustund í þéttbýli, en 70 km utan þéttbýlis.

2. gr.

Samþykkt þessi öðlast þegar gildi.

Samþykkt þessi, sem bæjarstjórn Akureyrar hefur samið og samþykkt samkvæmt lögum nr. 1 3. janúar 1890, sbr. lög nr. 67 28. október 1919, um lögreglusamþykktir fyrir kaupstaðina, staðfestist hér með og birtist til eftirbreytni öllum þeim, sem hlut eiga að máli.

Dóms- og kirkjumálaráðuneytinu, 20. desember 1972.

Ólafur Jóhannesson.

Ólafur W. Stefánsson.